

**CALOR EXTREMO Y
EXTENSO:
UN NORMAL NOBO PA
ARUBA?**



WWW.SOLODIPUEBLO.COM




SOLODIPUEBLO@GMAIL.COM

ATRACO! A DETENE HOBEN DI 20 AÑA PA TIRA ATRACO ARMA RIBA MUHER DI BIDA

ATRACO TEAM: HOBEN DI 20 AÑA DETENI PA
ATRACO ARMA



**PPA TA PIDI
PA MENOS
PROMESA Y
MAS ACCION PA
SAN NICOLAS**



Parlamentario Hendrik
Tevreden: E
**MAN TA RIPITI Y
GANA, PUEBLO
TA PERDE**

**CARGANDO
E BANDERA
DI NOS
PAIS NA
WEGANAN
ASU202**

FLAG BEARERS #TEAMARU

nald Fernandes
Natacion

Maelynn Fradl
Taekwondo

HOH T'EY PABO!

Pa mehora e accesibilidad nos a
implementa un sistema nobo di telefon:

CAS DI DOKTER EAGLE

281 4001

CAS DI DOKTER PIEDRA PLAT

281 4002

YAMA NOS

DIALUNA PA DIABIERNA

8:00 AM - 11.00 AM

1:00 PM - 4.00 PM



**Horacio Oduber
HOSPITAL**

NOS SEMPER T'EY!

PPA TA PIDI PA MENOS PROMESA Y MAS ACCION PA SAN NICOLAS

Pa hopi aña, parlamentario Otmar Oduber, a lucha pa trece desaroyo turistico y economico pa San Nicolas. Den pasado nos a tende di varios promesa, celebracion di refinaria cu lo mester a habri, campaña cu awor si lo inverti den San Nicolas p'e florece economicamente. Sinembargo loke finalmente y realmente nos por wak ta un hotel, cu bira realidad y construccion di e condominionan cu ta tumando lugar. Pero cinco aña despues, nos ta wak stagnacion. E mesun ciudad cu nos a traha pa yama Cultural Heritage City, no ta haya e atencion cu mester pa realmente florece.

Golpi pa San Nicolas

Parlamentario Otmar Oduber ta lamenta cu gobierno no ta tuma accion concreto pa San Nicolas. Durante un reunion publico tres siman pasa, PPA a presenta dos mocion y un amienda pa pone e fondonan disponibel, pa amplia seguridad, crea mas iluminacion, sigui cu mehoracion di infraestructura y tambe brinda transporte pa e trahadornan di hotel. Pero AVP y FUTURO a vota contra tur tres proposicion. "Esaki tabata un golpi duro pa comunidad di San Nicolas, cu ta sigui e desaroyonan cu speransa," segun Oduber. "Mi a keda asombra cu net e candidatonan di San Nicolas a opta pa vota contra e interes di

nan propio distrito." E 3 proposicionnan aki tabata enfoca riba bienestar directo di e pueblo di San Nicolas, riba un momento crucial, ya cu turismo ta tumando lugar cu mas frecuencia den e zona. "Esaki ta precisamente e momento pa 'cash out' riba e esfuerzo di pasado," Oduber a agrega. "Pero gobierno y e fraccionnan di coalicion den Parlamento, no ta muestra curashi ni liderasgo pa actua riba loke realmente ta importante pa pueblo."

Turismo na Colony den riesgo

PPA ta expresa su preocupacion serio pa e mal estado di limpieza den algun area di Colony. E lugarnan ta sushi y bandona, cu ta refleha un falta di respet p'e residentenan y un gran riesgo pa turismo. "Gobierno mester actua inmediato. Turista no por drenta un zona, cu nos ta promociona y haya un bista di abandono y sushedad," segun Oduber. Aruba no por perde su credibilidad asina.

District Advisor no ta solucion awor Segun e parlamentario, recientemente por a tuma nota riba media social, cu e gobierno lo instala un district advisor pa San Nicolas. Pero pueblo no tin mester di simbolismo politico! Pueblo tin mester di liderasgo real, decisionnan concreto y inversion urgente. "San



Nicolas no por perde e oportunidad historico aki. Nos a warda hopi aña caba pa esaki," Oduber a sigui elabora.

Accion awor y no mas plan

Oduber a enfatisa cu: "PPA lo keda insisti y nos lo sigui manda carta pa gobierno bin Parlamento manera cu reces pasa. Nos mester pone atencion serio, necesario y berdadero na e desaroyo pariba di nos isla. E tereno di refinaria, tambe ta un punto crucial pa nos discuti riba dje. Ta basta cu skirbimento di plan, paso tur gobierno cu a bin, a skirbi delaster tipo di plan, rapport na cantidad di tur partido den pasado, AVP, MEP, RAIZ, pero awor ta momento pa lora manga y cuminsa traha".

Ta preocupante cu despues di 7 luna, e gobierno actual ainda no a tuma ningun decision concreto pa San Nicolas. Drecha un caminda of haci un evento no ta suficiente! San Nicolas mester vision,

curashi y accion real. PPA lo sigui pone presion pa loke ta realmente importante.

"PPA ta comprometi pa lucha pa bienestar di e pais y pa cu desaroyo y e decisionnan tuma lugar. Nos lo sigui pone

presion p'e cosnan tuma lugar, manera ya nos a logra cu algun topico relevante. Nos ta un solo miembro, pero nos ta un team cu ta trahando cu vision, pensamiento y plan concreto pa San Nicolas y henter pueblo di Aruba," Oduber a finalisa bisando.

Clasificados



SOLODIPUEBLO@GMAIL.COM

CEL. 585 9500

ATRACO! A DETENE HOBEN DI 20 AÑA PA TIRA ATRACO ARMA RIBA MUHER DI BIDA ATRACO TEAM: HOBEN DI 20 AÑA DETENI PA ATRACO ARMA

Diabierna mainta Atraco Team a haci un detencion na un cas na Moko.

Ta trata di e sospechoso J. W.B. naci na Aruba di 20 aña.

E detencion ta enconexion di un atraco cu a tuma lugar 22 juli 2025 den oranan di madrugada riba un muher di bida den Jan Steenstraat na San Nicolas.

Dos hende homber tabata den un auto, na unda un di nan a baha bai paden den e camber di e muher di bida y a pone cuchiu na e muher su garganta y wak unda ta warda su placa y a bay cu esaki. Ta trata di e suma di afl 375,-. Despues e sospechoso a bise pa bay cu n'e

pafor y yegando pafo e sospechoso a core drenta den un auto y a huy.

Polis a wordo avisa como tambe Atraco Team. Na e sitio di e sucedido a tuma e denuncia y e investigacion a inicia mesora.

Diabierna den oranan di mainta a detene e sospechoso den un tempo record na su cas.

No ta descarta cu lo tin mas detencion pa cu e caso aki.

Un tremendo trabao di Atraco Team y esaki ta manda un señal cla y raspa pa esun cu ta pensa di comete un atraco, cu Atraco Team no ta drumi y ta actua di biaha.

Cuerpo Policial Aruba ta haci un



apelacion na pueblo cu es cu sa di polis cu ta 11141. Bo ta keda algo of a wak algo pa yama e tiplijn anonimo.

CARGANDO E BANDERA DI NOS PAIS NA WEGANAN ASU202

Conoce #TEAMARU su abanderadonan pa e Weganan Panamericano Junior

Durante e ceremonia di apertura di e Weganan ASU2025 cu lo tuma lugar den 10 dia na Asuncion-Paraguay, tur 41 pais participante lo desfila nan delegacion cual ta lidera door di e abanderadonan. Ta un atleta abanderado kiermeen cu lo lidera e grupo durante e ceremonia di apertura na e weganen, ademas di e prome cara cu lo sali durante apertura pa nos pais, cargando e orguyo di ful Aruba. Durante tur wega multideportivo den e ciclo Olimpico, ta nomina 2 abanderado, un di cada genero den cuadro di igualdad di participacion.

Pa e weganen ASU2025 e honor ta na Maelynn Fradl di

Taekwondo y Inald Fernandes Perna di Natacion pa carga nos bandera. Ambos atleta a destaca durante e ultimo aña den nan deporte y awor lo ta e cara di e delegacion di #TEAMARU.

#TEAMARU lo tin 13 atleta en total, cu lo participa den 7 diferente disciplina deportivo: Vela iQFoil : Kaj Rozeboom y Zara Rozenoom

Natacion: Chloe Farro, Avi Tromp, Inald Fernandes Perna, Braynsly Dirks, Ocean van Loon

Natacion Artistico: Xiana Hoo, Kendra Siman

Natacion "Open Water": Britta Schwengle

Taekwondo Kyorugi: Maelynn Fradl

Atletismo: Asher Patel (1500m)

Triatlon: Rebecca Jansen

FLAG BEARERS #TEAMARU






Inald Fernandes
Natacion



Maelynn Fradl
Taekwondo

BERGUENSA PA NOS ARUBIANONAN CU NO TA STIMA BESTIA, TURISTANAN DI BISHITA TA TRECE CUMINDA Y PARTINAN AKI NA ARUBA!



Un berguensa cada arubiano mester tin ora cu mira turistanan ta trece cumindanan pa cacho y ta papia cu e cachonan aki na Aruba ta bandona y ta tenenan riba caya sin cuida y cariño. E lo ta bon pa nos arubianonan cu ta stima cacho realmente muestra esey. na ingles nan ta bisa cu cacho ta e mihor

amigo di un hende. Ban pone esaki ta e forma real pa cuida un cacho.

Tur cacho por siña te hasta un cacho di rasa criollo a sa di sobresali y gana premio y hasta duna show na muchanan y hende grandi. Muestra bo amor y e cacho lo corespondebo cu amor tambe!



DURANTE FIESTA NA NOORD DAMA A CORTA SU MAN Y A BENTA YABI DI AUTO AFO!



Diamars madruga a drenta informe di un caso unda un dama a corta su man te sangra, mesora a dirigi tanto polis como ambulans na e sitio. Na yegada di e patruya a bin compronde cu nan a caba di bay y ta poco mas pariba.

Na altura di e hardware store a bolbe compronde cu a start un problema mesora polis a bay eynan.

Na e sitio polis a bin compronde cu aki tabata trata di un problema relacional unda e dama lo a benta e yabi afo y a bay



cu otro auto pa hospital. Polis a atende cu tur esnan cu tabata bao influencia y

a mustranan e kiko por a pasa cu nan.

THE CASINO AT ST. REGIS ARUBA TA CUMINSA CU “EXQUISITE BINGO” TUR DIASABRA Y DIADOMINGO MAINTA CU \$5.000, - NA PREMIO Y \$25.000.- JACKPOT PROGRESIVO



Palm Beach, The Casino at St. Regis Aruba ta invitabo na su prome “Exquisite Bingo” cu lo tuma luga diasabra awo 2 di Augustus 2025 pa 8.30 AM. Porta ta habri di 7.30 AM pa asina duna oportunidad pa cumpra carchi di bingo na un balor di \$20,- . Si bo cumpra 2 carchi di bingo bo lo ricibi e di tres completamente gratis. Pa esnan cu lo desea di sigura nan carchi trempa, por haci uzo di nos pre-sale cu lo ta tur diabierna y diasabra di 3:00 PM – 8:00 PM. Tene na cuenta cu cuponan ta limita.

Lo tin un total di \$5.000,- na premio
Wega 1 lo ricibi \$150,-
Wega 5 lo ricibi \$ 500,-
Wega 2 lo ricibi \$150,-
Wega 6 lo ricibi \$ 700,-

Wega 3 lo ricibi \$200,-
Wega 7 lo ricibi \$1000, -
Wega 4 lo ricibi \$ 300,-
Wega 8 lo ricibi \$2000,- (Progresivo den 50 jamada)

Bin pasa un rato agradabel y tin e oportunidad di ta un felis ganador di nos “Exquisite Bingo” of

purba bo suerte hungando weganen di mesa, slot machine nan di ultimo modelo y “sports betting”.

Tambe bo por disfruta di un dushi bebida personalisa na Ventura Bar cu ta localisa den e casino.

Tur esaki ta disponibel pabo na The Casino at St. Regis Aruba. Pa mas informacion,

bishita nos casino “VIP Desk” of yama nos na tel: 2812374
Nos ta wardabo!



THE CASINO AT
ST. REGIS
ARUBA

Exquisite Bingo

Starting Saturday, August 2nd, 2025

Every Saturday and Sunday at 8:30 AM. Casino doors open at 7:30 AM. Buy-in: \$20. Buy 2 bingo games, get the 3rd on us. Limited capacity available.

Bingo pre-sale: Every Friday and Saturday from 3:00 PM – 8:00 PM.

\$5,000 in total prizes

Game 1 \$150	Game 7 \$1,000
Game 2 \$150	Game 8 (51 calls & up) \$2,000
Game 3 \$200	Within 50 calls, Progressive Jackpot
Game 4 \$300	
Game 5 \$500	
Game 6 \$700	

Progressive Jackpot starting at
\$25,000

For more information, visit the Casino VIP Desk or call us at +297 281-2374

The Casino at St. Regis Aruba reserves the right to modify or cancel this promotion at any time. Must be over the age of 18 years. The Casino at St. Regis Aruba encourages responsible gaming.

POLIS A DETENE CHAUFFEUR BURACHI CU A PERDE CONTROL OCASIONA ACCIDENTE YEGANDO ROTONDE BALASHI



Diaranson mainta a drenta informe di un accidente yegando rotonde di Balashi biniendo for

di Oranjestad, mesora a dirigi un patruya na e sitio. Na yegada di e patruya a bin compronde cu aki ta trata di un chauffeur bao influencia bayendo pariba yegando rotonde Balashi a perde control subi e “median” dal un palo di lus. Afortunadamente ningun hende a resulta herida. Polis a detene e chauffeur y a bay warda di polis cun’e. Takelwagen a kita e auto for di caminda.



MUCHA A BIRA MALO DURANTE VUELO FOR DI COLOMBIA



Diamars mainta a mucha durante e vuelo drenta informe di cu un di Colombia pa Aruba


lo a bira malo durante e vuelo, mesora a dirigi un ambulans na airport.

Na nan yegada e personal di ambulans a solicita ayudo di un otro ambulans pasobra e mucha lo a stop di hala rosea. Mesora a inicia cu C.P.R. y a bay cu maximo urgencia pa hospital.



ACCIDENTE PA FALTA DI PREFERENCIA NA E CRUSADA AVENIDA ALO TROMP CU WESTSTRAAT

Diaranson mainta a drenta informe di un accidente na e crusada Avenida Alo Tromp cu Weststraat, mesora a dirigi un patruya na e sitio. Na yegada di e patruya a bin compronde cu aki ta trata di un accidente pa falta di preferencia unda e chauffeur di un Kia Rio biniendo for di Avenida Alo Tromp no a duna preferencia na e Pick-up biniendo for di Weststraat y nan a dal den otro. Afortunadamente ningun hende a resulta herida.



Parlamentario Hendrik Tevreden: E

MAN TA RIPITI Y GANA, PUEBLO TA PERDE

Bo por simpatisa cu AVP, ta bo derecho. Pero bo tin derecho tambe pa spera cu finanzas publico wordo usa responsabelmente. Loke ta pasando awor den e coalicion AVP-Futuro ta muestra claramente: Mike Eman ta ripitiendo e mes patronchinan di pasado, pa gana tempo y espacio politico personal. Pero pueblo ta perde, ta sin direccion, sin oportunidad y confianza.

Durante su gabinete anterior, Mike Eman ya a inventa funcionnan sin contenido real: “coordinador sin coordinacion”, “directiva sin direccion” y ministerionan sin vision. Awor nos ta mira mes cos tumando lugar: ta nombra minister pa wordo guia pa parlamentario De Meza, ta pone hende loyal na partido AVP pa bira diplomatico cultural, y crea yen di cupo fantasma bou number di progreso pa emplea candidatonan di coalicion.

Aumento di bijstand, pero sin salida real

Na lugar di duna hende herment y oportunidad pa sali for di pobresa, gobierno ta planta mas y masimiya di dependencia. Bo no por combati miseria cu limosna. Nos tin di crea oportunidad pa siña hende con pa pisca, enbes di duna pisca. Ta e poder y crecimiento mental, dignidad y autonomia ta loke por cambia bida di e ser humano, no un carta di invitacion pa un reunion politico den bario y pa strooi cu mangel di dependencia na gobierno.

E gobierno ta campañoando y no ta gobernando

Esnan cu ta controlando e retorica y e media lo bisa cu tur cos ta bon. Cu Aruba ta na caminda pa sigui crece. Cu nos gobierno tin derecho di organisa evento y fiesta. Pero cu ki meta? Unda gobierno ta guiando nos como pueblo?

Nos no sa kico ta e rumbo pa infraestructura. Nos no

sa kico ta e plan pa salud mental. Nos no sa kico ta e plan pa energia sostenibel, vooral cu e ministerio aki ta den man di un (vak) minister sin vakkennis.

Netamente pa compara: durante e tempo di gobierno anterior, MEP-RAIZ no tawata un gobierno a la perfeccion. Pero por lo menos tabatin un direccion den finanzas, salud mental, y servicio social. No tabatin fiesta sin fondo. Nos a mira e intento pa stabilisa e pais despues di COVID-19. Y nos a experiencia un crecimiento economico grandi. Un bahada den desempleo y un Aruba mas sigur.

Nos a pasa 100 dia pero nada no ta move. Y pregunta ta keda: riba kico nos ta warda? Minister Wyatt-Ras ausente, minister Cecilia riba pasarela. Minister Herde ya caba hincando Aruba den debe. Y Eman ta tira mangel, pa purba rebiba un legacia politico cu den pasado a yega di traha,



pero cu no tin acogida mas.


Pueblo ta perde, si pueblo no ta atento

Nos a mira hopi show den e gobernacion. Pero show ta bon pa gana campaña, no pa goberna. Show no ta bon pa construi un pais. Nos a pasa den un tempo duro cu COVID. Nos a perde hopi hende. Nos a sinti kico ta vulnerabel realmente. Y bo lo a kere cu

tur lider, primordialmente esnan politico lo a gara e mensahe: Fortifica bo pais financieramente, socialmente y crea reserva pa futuro.

Pero e ta bisto: AVP-Futuro no ta liderando, nan no a capta e mensahe. Keto bay gobernando cu brasa y cu sunchi, no cu solucion real pa pueblo.

DAMA TRAHADO DI 27 AÑA A CAY Y TA INCONCIENTE BENTA ABAO NA PIKA'S CORNER




Diamars anochi a drenta informe di cu un dama trahado di 27 aña a cay y ta benta abao inconciente, mesora a dirigi un ambulans na e sitio.

Na yegada di e ambulans nan abaha atende cu e dama y a transporte pa hospital.



PROME MINISTER MIKE EMAN A BISHITA

GALERIA ETNIA NATIVA



Dialuna mainta, Prome Minister mr. Mike Eman a realisa un bishita di cortesía na Etnia Nativa, un galeria y museo dedica na arte Nativo Arubano. E galeria, situa den cas di e propietario mes, ta un tesoro cultural na Westpunt, Noord, unda bishitanten por aprecia arte cu ta carga e raiz y fundeshi di nos pueblo di un generacion pa otro.

Propietario Anthony Croes y su esposa ta cuida y maneha e museo cu hopi dedicacion. Nan a habri nan porta pa publico pa expone nos historia, cultura, biodiversidad y plantacion nativo, loke por bira sostenibel si trata esakinan cu amor y cariño. Durante e bishita, Premier Eman a haya un recorrido completo di e localidad, caminda por a admira obra di arte crea pa Sr. Anthony



mes, inspira den historia arkeologico di Aruba y e identidad cultural di nos comunidad. E arte ta refleha e caracter fuerte di nos antepasadonan cu a logra enfrenta momentonan dificil den nos historia.

Arte ta presente den tur skina di e galeria, for di piedra cu tabata uza pa mula maishi, te obhetonan pa warda awa. E creatividad y resistencia di nos pueblo ta evidente den tur detaye.

Premier Eman a expresa cu e bishita tabata un inspiracion, mirando su responsabilidad actual como Minister di Cultura y Naturalesa. Etnia Nativa ta un ehempel di kico por logra ora ta combina historia, cultura y naturalesa den un solo espacio.

Sr. Anthony Croes, cu su pasion pa naturalesa y identidad Arubano, a cuminsa desde chikito como scout. Aki a nace e inspiracion pa defende y cultiva naturalesa y

pa yuda e mas debil, un principio cu Sr. Croes a keda sigui den tur fase di su bida.

Sr. Croes a comparti e historia breve di e tereno na Westpunt, caminda su galeria ta situa. Inicialmente un area bashi cu bista pa lama, awor e ta parti di un zona residencial. E cas mes ta construi pa ochenta porciento cu material recicla, den harmonia cu naturalesa.

Durante e recorrido, Prome Minister Eman a nota un

cambio di temperatura ora drenta e hofi. E frescura natural cu e matanan ta brinda ta un ehempel concreto di kico e plan di reforestacion presenta pa gabinete AVP-Futuro por logra.

Premier Eman a enfatisa riba e importancia di educa pueblo tocante e efectonan positivo di mata riba nos medioambiente. Ta importante pa siña unda, kico y dicon mester planta pa logra un balans sostenibel den naturalesa.



CALOR EXTREMO Y EXTENSO: UN NORMAL NOBO PA ARUBA?

ORANJESTAD – Aruba ta sinti mas y mas e efectonan di cambio di clima. Ademas di aumento di segura y awasero intenso den ultimo 50 aña, Aruba tambe a experencia un aumento di temperatura y calor. Especialmente den ultimo decanan, desde añanan 1990 por observa un subida accelera di temperatura.



Aunke hopi hende lo bisa cu na Aruba semper ta haci calor den e temporadanan aki, y cu ta algo ‘natural’, estudionan ta muestra cu ademas di subida den temperatura averahe, Aruba ta experenciando calor mas extremo y extenso. E calor extremo ta causa door di factornan climatic manera temperatura, humedad, biento. Pero tambe tin factornan infrastructural y medio ambiental, manera por ehempel uzo di cement y asfalt, ademas di rosamento y deforestacion. Esakinan ta haci cu e experencia y stress di calor ta aumenta. E cambio y combinacion di e factornan aki den ultimo decanan ta haci cu nos ta sinti mas calor.

Conseho Nacional di Resiliencia Climatico (NCRC) di Aruba ta continua cu esfuersonan pa identifica y atende cu e impactonan di cambio di clima, especialmente calor na Aruba. Riba nivel nacional, diferente instancia y instituto ya caba a identifica calor

extremo como un di e riesgonan existente mas grandi pa Aruba. E impacto di calor extremo y extenso no ta solamente climatico, pero aun mas, pa nos calidad di bida, incluyendo salud, trabow, productividad, educacion, deporte, suministro di coriente, costo di bida, perdida di biodiversidad y naturalesa.

Si tene cuenta cu e cantidad di hende cu ta labora pafor – den por ehempel turismo, construccion, transporte, agricultura – y observa e desaroyo di envesamiento, ademas di calidad di salud di nos comunidad, e panorama di impacto di calor ta bira ainda mas importante. En corto, impacto di calor ta afecta diferente area cu na su turno tambe ta rekeri adaptacion integral y strategico den diferente sector.

Pa yuda tur hende compronde y prepara mihor pa e riesgonan aki, recientemente a lansa e “Climate Impact Atlas” di Aruba. E web portal nobo aki di clima ta duna informacion riba con calor ta afecta Aruba y kiko por haci pa combati y adapta na calor extremo y extenso. A base di e evaluacion di e riesgonan y e impacto climatico, e concentracion di NCRC ta riba e miho manera di forma responsabel y sostenibel pa Aruba prepara pa y adapta na diferent efecto di cambio climatico.



Esaki ta pasonan vital den desaroyo di un strategia di resiliencia climatico nacional pa Aruba. Pa mas informacion tocante NCRC por bishita <https://ncrc-aruba.org/cia>.

CHAUFFEUR DI EDAD NO A MIRA E AUTO TA BINI Y NO A DUNE PREFERENCIA



Diamars atardi a drenta informe ddi un accidente na e crusada Caya ing. Roland H. Lacle cu Van

Leeuwenhoekstraat, mesora a dirigi un patruya na e sitio. Na yegada di e patruya a bin compronde

cu un chauffeur di edad no a mira e auto ta bini y no a dun'e preferencia anto nan a accidenta.



DAMA TRIPULANTE DI CRUCERO A STAKA SU MES ACCIDENTALMENTE RIBA UN HERO SKERPI



Diaranson mainta a drenta informe di cu un tripulante di e crucero Rhapsody of the seas lo a staka su mes accidentalmente na un obheto di metal skerpi abordo di e crucero Rhapsody of the seas mara

na waf, mesora a dirigi un ambulans na e sitio. Na yegada di e ambulans nan a atende e dama y a nota cu e lo mester bay hospital pa mas tratamiento y nan a hibe pa hospital.

Clasificados











SOLODIPUEBLO@GMAIL.COM
CEL. 585 9500



INTEGRO e INTEGRIDAD

Dos palabra masha sensibel

Un ensayo di Vivienno Frank, Sr.



Ultimamente e palabranan integro e integridad ta wordo uza arbitrariamente y frecuentemente door di politiconan, ciudadanonan y den media. Frasen an manera: “E no ta integro pasobra e no ta papia berdad”, “E no ta integro pasobra e a horta y ta horta”, “E no ta integro pasobra den campaña el a priminti di haci algo y no a cumpli” y mucho mas. E frasenan aki a capta mi atencion, no pa e acusacionnan emiti pa cual mi no tin detaye- of basenan pa duna un opinion, pero pa e palabranan “integro” - cu ta bin di e palabra Latin integer - e “integridad” riba nan mes. E palabra integro den teoria di number (getallenleer) ta nifica numbernan manera, pa ehempel: den e cifra $3\frac{1}{2}$ unda 3 ta e integro y $\frac{1}{2}$ ta e fraccion.

Mi a bay haci un poco huiswerk y a bay bek na mi diccionarionan, pero mucho leu mi no a yega, ya cu pa tur mi ta yega na e conclusion cu na final nan kiermen “completo”, “intacto” of “incorruptibel”. Dos palabra cu ta wordo uza masha den idiomanan

moderno ta: integer vitae, den e significacion di un bida limpi di bicionan y e expresion aki ta bini di un ode (poema) di e poeta/filosofo Romano, Horatius: “Integer Vitae scelerisque purus non eget Mauris iaculis neque arco” (Un homber limpi di bicio no tin necesidad di speer tampoco boog Moro). Te aki mi no por a haya un splicacion sin ambigüedad y a purba den un otro area.

□ Den Bijbel: Integridad ta un concepto di un compromiso constante pa principianan moral y berdad, particularmente na liña cu e normanan di Dios. E ta encera ta e mes un persona den priva cu den publico, cu accionnan cu ta refleha su creencia. Integridad no ta djis un atributo personal sino tambe un refleho di un hende su relacion cu Dios y un guia pa biba husto.

Socrates 470 – 399 AC (den e obra di Plato: Crito): Pa Socrates, integridad ta fundamentalmente mara na virtud y sabiduria, cu ta rekeri aliniacion entre un hende su creencia, palabranan y accionnan. E ta encera biba autenticamente, guia pa rason y un compromiso cu berdad, hasta ora ta enfrente presion of riesgo personal.

Baruch Spinoza 1632 – 1677 DC: Pa Spinoza, integridad ta fundamentalmente mara na comprendemento y aliniacion di bo mes cu e

ordo natural, cu e ta iguala cu Dios of Naturaleza. E ta encera biba di acuerdo cu rason, reconoce bo lugaden e red interconecta di existencia, y haci esfuerso pa compronde y actua di acuerdo cu e leynan inherente di naturaleza. E comprendemento aki ta conduci na un estado di bendicion y libertad, na unda uno no ta wordo impulsa pa pasionnan pasahero sino pa e buskeda di conocimiento y virtud.

Emmanuel Kant 1724 – 1804 DC (den su obra: Critica dje rason puro): Integridad ta fundamentalmente tocante actua di acuerdo cu uno su debenan moral, manera dicta pa rason, y mantene e debenan ey consistente sin importa deseonan personal of presionnan externo. E ta encera un compromiso cu principianan moral universal y trato na humanidad, tanto den bo mes como den otro, como un fin den su mes, nunca djis como un medio. Kant su concepto central ta e Imperativo Categorico, un ley moral universal segun Kant cu ta guia nos accionnan.

Esencial e ta declara ta cu uno mester actua solamente segun e principio ey pa medio di cua bo por, na mes momento, kier cu e mester bira un ley universal.

Bertrand Russell 1872 – 1970, su cita: “Ta parece mi un deshonestidad fundamental, y un traicion

fundamental pa integridad intelectual pa adheri na un creencia pasobra bo ta kere cu e ta util y no pasobra bo ta kere cu e ta berdad.”

Stanford Encyclopedia of Philosophy (Stanford University na Stanford, California):

Kico e ta pa ta un persona di integridad? Discurso ordinario tocante integridad ta encera dos intuicion fundamental: prome, cu integridad ta principalmente un relacion formal cu un hende tin cu su mes, of entre partinan of aspecto di su mes; y di dos, cu integridad ta conecta na un manera importante na actua moralmente, cu otro palabra, tin algun limitacion sustantivo of normativo riba kico ta pa actua cu integridad.

Integridad ta un di e terminonan di virtud mas importante y hopi biaha cita. E ta tambe kisas esun mas desconcertante. Por ehempel, mientras cu tin biaha e ta wordo uza practicamente sinonimo di ‘moral,’ nos tambe tin biaha ta distingui actua moralmente for di actua cu integridad. Personanan di integridad por en realidad actua inmoralmente— aunke nan lo no sa cu nan ta actua inmoralmente. Pues un hende por reconoce cu un persona tin integridad aunke e persona ey por tene loke e ta kere, ta principalmente puntonan di bista moral robes.

Mi por asumi cu e editornan di e enciclopedia di Stanford a haci nan tarea optimal y si mi elabora riba e prome ponencia den e prome alineacion di Stanford su enciclopedia, mi por conclui por ehempel cu un hende cu tin e mal principio di ta horta den

tur oportunidad cu e haya, ta integro na su mes tanten e ta tene su mes na su mal principio; of, un hende cu tin e mal principio di nunca ta papia berdad, ta integro na su mes tanten semper e ta tene su mes na su mal principio y ta gaña; y asina por duna mas ehempel. Pero den un comunidad sano na unda e mal cualidadnan aki no ta wordo tolera, un persona asina un dia cu e wordo gara lo mester carga e consecuencianan.

Si tira un bista n’e seis casonan cu a wordo cita, uno ta mira cu tur ta pone enfasis riba e palabra moral, of palabranan manera: virtud, berdad, un bida husto, rason puro, cumpli cu leynan, etc. cu ta inherente na moral o moralidad, cua ta referi na un sistema di principianan tocante e distincion entre loke ta bon y loke ta malo, of un bon y un mal comportacion. Cu tur esaki, den mi opinion, por yega na e conclusion cu un comunidad cu ta biba den e cuadro di moralidad aki, ta un comunidad cu ta sano y ta crece. Den un comunidad asina e ciudadanonan tin tur derecho di existi di e miembronan di e Trias Politica, tur empleadonan publico y tur medio publico den tur momento di ta integro y no mester uza e palabranan integro y integridad arbitrariamente.


Finalmente e concepto di integridad o di ta integro ta irevocablemente mara na un principio moral di bida; sea e principio aki ta un principio propio of social; uno ta integro na algo, sea cu e algo aki ta un principio, un moral, un creencia, etc. Pa ta uza e palabranan integro o integridad djis pa uza y sin contenido, ta bashi y no tin sentido.

DETENIDO A BIRA MALO DEN CEL NA WARDA DI POLIS NA SHABA


Diamars atardi pa anochi a drenta informe di un detenido cu a bira malo den cel na warda di polis na Shaba, mesora a dirigi un ambulans na e sitio.

Na yegada di e ambulans nan a bin compronde cu net un rato prome cu polis a detene ela caba di usa e droga yama "piedra" y sera den cel e droga a cuminsa

surti efecto malo riba e detenido.
E paramediconan di ambulans a atende y a transporte pa hospital.



DOGMAN RIBA PANTAYA NA BIBLIOTECA



Biblioteca ta yama tur mucha bon bini den vakantie grandi! Diahuebs anochi biblioteca ta pasa un otro pelicula riba pantaya di su teatro den aire liber. Muchanan por bay biblioteca diahuebs 7or pa nan wak e animation 'Dogman'. Dogman ta un heroe grandi trahando cu cuerpo di polis. Presentacion ta gratis y ta cuminsa 7or. Despues di 'Dogman' tin 2 presentacion mas. E ultimo presentacion na Playa ta diahuebs dia 7 di augustus 2025. Y biblioteca ta presenta 1 pelicula mas na biblioteca San Nicolas, diaranson dia

6 di augustus. Tur mucha y nan mayor ta bon bini. Tur presentacion ta gratis y ta

cuminsa 7or. Pues, por bay biblioteca cu tur amigo, ruman y bisiña.

Clasificados

SOLODIPUEBLO@GMAIL.COM
CEL. 585 9500



**Paga bo cuenta
online ta facil**

Sea
**Abonnement
of Aviso**

**Pa hasi pago online pone number y adres na
cuenta di banco RBC Sunmax Printing
account # 7700000100152447**

HUGO THEMEN COMO REFEREE DEN CAMPEONATO PANAMERICANO NA CALI, COLOMBIA



For di Federacion Panamericano de Levantamiento de Pesas, Aruba Amateur Wegtlifting Association a ricibi un invitacion pa Sr. Hugo Themen asisiti como referee den e Campeonato Panamericano de Mayores cu a tuma lugar den e ciudad di Cali, Colombia for di 12 pa 18 juli 2025.

Na e campeonato tabata tin un participacion di 33 Referee Internacional di International Weightlifting Federation.

E Campeonato aki mes a tuma lugar den Coliseo Minguel Calero Aruba Amateur Weightlifting Association kier a gradici Federacion Panamericano de Levantamineto de Pesas pa e invitacion y un pabien na



Sr. Hugo Themen cu asisiti den e Campeonato Panamericano de Mayores na Cali, Colombia. como referee internacional

Clasificados

SOLODIPUEBLO@GMAIL.COM
CEL.585 9500

SOLO De Pueblo



E COSECHA SILENCIOSO E cosecha ta wordo sembra, amarga? Cu sinceridad of cherche Locual bo planta cu suerte Bo ta piki tardi of tempran Macho of hembra Berde of hecho, keto Sin sa bo derecho Sin sa bo rais Man den man Tin orguyo na pecho Ketobay buscando Su mes den un otro Ketobay den su mundo Yena di biento su boroto Zonidonan y gritonan Carga den silencio Bashi yena di nada Pero cu gana Pa ta liber den su alma Buscando e calma Cu tin cu hiba nos Na e crusada total Cubri cu mas dolor Buscando e alegria Cu ta den bo mes Cu ingredientenan robes Si bo alma, mente y Curason no ta uni cu bo cabes, pendiente Riba un frecuencia aleha Busca e manera di aserca Busca e amor den e manera Di sinti, E pasion di Christo.
Ruthy"
Lady Ruth"

POLIS TA INVESTIGANDO UN CASO UNDA UN KOKI A SER SERIAMENTE AGREDI Banda di un club nocturno na Noord

Diamars mainta a drenta informe di cu tin un homber benta abao banda di un club nocturno na



RESTAURANT Sinta ta warda beurt pa ordo cuminda Cu hopi motibo pa brinda cu un glas di binja blanco Riba tur cu bo ta stima Gradici pa bendicionnan na monton, bo no sa mas cuanto, nan ta tur caminda Den tur skina di cada milager di cosnan cu bo no ta comprende Mantene bo na bo fe Mantene bo na bo mente positivo ,mas sabi Tur consecuencia ta pa bo Suave, duro of manera un Mecha sendi, cu su luz interno, cu e chispanan ainda di tristeza y dolor Pa un otro ser keru crema Mariachi ainda den curason ta resona cu Maria A. Luidens Koolman A bay sosega Un dama nechi hopi stima Esposa y mama adora Ruman di mi brother Rudy Cunja di mi sister Amelia Prima di mi brother Mirto Na boso tur y demas famia Hopi forsa y bunita energia Awor Maria mas serca mente, alma y curason Serca Dios tur cos ta bon Den silencio di un oracion Ruthy "Lady Ruth"

Noord tur maltrata na sanger, mesora a dirigi tanto polis como ambulans na e sitio. Na yegada di e patruya a bin encontra cu e persona sin franel na sanger benta abao y cu no sa kiko exactamente a pas'e pero tabata seriamente maltrata cu hopi lesionnan na su curpa. Na yegada di e ambulans nan a atende y a transporte pa hospital cu urgencia.





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com

Resultado: Sorteo di Merdia - July 30, 2025



Sorteo # 4696

9129

7944

8089



FP



Sorteo # 4696

3211



FP



Sorteo # 2752

3675



Sorteo # 4696

0102

Tauro



Sorteo # 1570

935



X3



Sorteo #

0 x Jackpot

0 x Match 4+

0 x Match 4

0 x Afl. 12,00

300.000,-



Sorteo #

0 x Jackpot

0 x Match 4

0 x Afl. 8,00

62.000,-



Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

310.000,-

Afl. 460.000,-



Sorteo #



SUDOKU

	6	3		8		4		
	9				4			7
4				2				
		7	2		3		5	8
	5			4				
		8				2		4
6						7		
		5		3	6			
	3		8	7			2	6

				8			9	2
4					7	6		
	6		3	2				
							5	
	9				4		2	
3	1					7		
2			8		3	1		
				4	1	9	3	
				6				5

				7	8		4	
	7				5			3
1	4		6					
		5		8		2		
	3				4		7	
	6							5
						8	5	
				6	2			
9		6	5		3			

E BON NOTICIA HENDE NO TA NACE DI E MESUN SEXO OF DI TRANSGENERO, PERO DI HOMBER Y MUHER

Cada hende na mundo ta nace di un pareha, di homber cu muher. Un famia ta wordo lanta pa medio di tata y mama. Y bo mes, di unda bo ta kere cu ba bini? Den Bijbel Genesis 2: 4-24, na principio di creacion, Dios Tata a traha homber y muher, nan nomber ta Adam y Eva. Dios Tata a traha homber y muher, pa procreacion humano. Tambe nos por lesa den Bijbel Marco 10: 6 – 9, na unda Cristo Hesus ta bisa: “Na principio di creacion Dios a traha homber y muher, p’esey e homber lo laga su

tata y su mama pa e uni cu su muher y nan dos lo bira un solo curpa.” Akinan Dios ta uni e homber y e muher den enlaso Matrimonial, pa nan haci nan relacion sexual pa nan lanta famia. Den e union aki, di homber y muher, e yiunan ta sigi e ehempelnan di nan tata y di nan mama. Dia cu e yiunan bira grandi, nan tambe ta casa pa lanta famia, mescos cu nan tata y nan mama. Awor, ta di unda ta bini cu homber cu homber y muher cu muher y transgenero, kier e union di casamento? Den Bijbel

Genesis 19: 1 – 23, pakiko Dios Tata a destrui y a caba cu tur e habitantenan den e ciudadnan grandi di Sodoma y Gomorra cu candela y azufre? Pasobra e ciudadnan di Sodoma y Gomorra tabata habita pa homosexualnan, lesbiananan y di tur clase di relacionnan sexual inmoral y deshonesto. Den Bijbel Romanonan 1: 24 – 32, na unda Dios Tata a destrui y a caba cu tur e habitantenan di Sodoma y Gomorra, pa motibo di nan mal pasionnan cu e diabel a hinka den nan mente, den deseonan impuro. Di manera cu nan a deshonra nan mes curpa, nan a cambia e berdad di Dios pa mentira y nan a honra y adora idolonan, na lugar di Dios Creador. Nan muhernan a cambia


tradicion natural pa esun contra naturalesa. Mescos tambe, hombernan a kita tradicion natural cu muhernan y a inflama nan mes den pasion cu hombernan. Hombernan ta comete deshonestidad cu hombernan. Asina nan ta haya den nan mes, e castigo mereci pa nan errornan. Nan ta yen di tur sorto di inhusticia. Nan ta haya, cu no ta bale la pena pa reconoce Dios. Maske cu nan ta reconoce e sentencianan di Dios, nan ta obra den maldad y p’esey nan ta merece morto. Nan mes ta haciele concientemente y nan ta aplaudi na esnan cu ta hacie tambe. Nan ta stroba Dios Su procreacion humano door di nan inmoralidad sexual y deshonesto, den oral y anal sex. Den Bijbel Genesis 19: 1 – 23, na unda tur e hombernan (homosexualnan) di Sodoma a rondona e cas di Lot y nan a bisa Lot : “Na unda e dos hombernan ta, cu a yega bo cas anochi? Sacanan afo, pa nos tene relacion sexual cu nan.” Lot a bisanan : “Mi ta roga boso mi rumannan, no comete tal maldad aki.” Aki nos por comprende, cu e dos hombernan cu a bin na cas

di Lot, nan tabata Angelnan di Dios, cu a bin pa trece husticia y castigo y Dios a castiga e habitantenan inesperadamente. Akinan nos por mira, con grandi e ofensanan y e pikanan di inmoralidad y deshonesto tabata ta, cu Dios Tata a kita bida di tur e habitantenan. Bijbel Levitico 20: 13 : “E homber cu drumi cu un homber manera cu ta drumi cu un muher, nan dos ta comete actonan repugnante, nan dos lo muri y nan sanger lo cay riba nan.” Bijbel Levitico 18: 22 : “Lo bo no tin relacion sexual cu un homber manera cu sa haci cu un muher, esey ta algo abominabel.” P’esey, no bini cu e leynan cu ta bini for di abismonan di fierno, pa desvia hendenan den perdicion di condenacion mescos cu Sodoma y Gomorra. Haci mescos cu e president di Merca Donald Trump a haci. E’l a bin cu un Ley nobo den e Constitucion di Merca, cu lo bai tin solamente dos gender di hende, esta homber y muher.

Scirbi pa Seferino Tromp
Un mensahero di Dios.

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

Cu dolor na nos curason, nos ta participa fayecimento
di nos ser stima:



Sr. Victor M. Giel
Mihor conoci como “Toy”
*14-05-1941 – 25-07-2025

Acto di entierro lo wordo anuncia despues

FUNDACION ABO TA ANUNCIA FAYECIMENTO DI

sr. Francis Abelardo Franca.

ESTIMADO TATA DI DR. CHRIS FRANCA, CONSEHERO PRINCIPAL
NA FUNDACION ABO PA E PROGRAMA CORESA

DI PARTI DI HUNTA DI SUPERVISION Y TEAM COMPLETO
NOS TA EXPRESA NOS MAS PROFUNDO CONDOLENCIA NA DR. CHRIS FRANCA Y FAMIA.

CU LEGADO DI SR. FRANCA DUNA FORSA Y SIRBI COMO CONSUELO.
FUNDACION ABO

FORTALEZA PA FAMILIA

Scirbi pa Pastor Marcel Balootje.

DESOBEDENCIA Y PICA SCONDI, POR CAUSA MALESA



Bijbel ta ta scirbi di dos caso remarcabel, cual mester pone nos para keto y pensa un rato, y samina nos bida y curason y wak si tin pica scondi den nos bida, y confesa na Dios, pa nos bienestar.

Palabra di Dios ta bisa bon cla den 1 Juan 1:9: Si nos confesa nos picanan E ta fiel y husto di perdona nos, nos picanan y libra nos di tur inhusticia.

Laga nos drenta den nos bijbel pa nos mira cu nos propio wowo kico e palabra di Dios ta bisa.

Den Lucas 5;17-26 ta para scirbi cu Heus tabata sinja hende y hende tabata bini for di tur pueblo di Galilea, Judea y for di Jerusalem, y e poder di Senjor tabata presente cun'E pa cura hende.

Y nan a trece un homber paralitico serca Hesus pa e wordo sana fisicamente, Pero como cu no por a drenta via porta pasobra tabatin demasiado hende

nan a subi dak, traha un buraco y baha e paralitico meymey net dilanti di Hesus, y Hesus mirando nan fe, a bisa: Amigo, bo picanan ta perdona.

Y Hesus a ricibi critica pasobra e a bisa e homber cu su picanan ta perdona.

Y den Lucas 5;22 Hesus kende tabata sa di nan pensamiento a contesta y a bisa nan: Kico boso ta rasona den boso curason. Kico ta mas facil pa bisa; Bo picanan a wordo perdona, of pa bisa lanta y cana. Ma pa boso sa cu e Yiu di hende tin autoridad riba tera pa perdona pica. E a bisa e paralitico: Mi ta bisa bo, lanta cohe bo cama y bay cas. Y mes ora e a lanta y cohe locual e tabata drumi riba dje y bay cas glorificando Dios.

Awor un pregunta ta surgi ta existi pica cu por pone hende bira paralitico?

Pasobra awendia ora un hende wordo spierta tocante di bida den pica,

prome contesta ta:

“No Huzgami”
Bai wak bo mes”

Esun cu ta sin pica tira e prome piedra” Y hasta tin defensa pa maldad y inmoralidad awendia” mientras cu e sa masha bon cu e tipo di bida ey no ta agrada Dios.

Di dos historia ta para scirbi den Juan 5:5 di e homber na e pool di Betesda cu tabata 38 anja malo. Den Juan 5:8 Hesus a bise: Lanta cohe bo cama y cana, Y mesora e homber a bira bon y a cohe su cama y a cuminsa cana. Pero den Juan 5:14 Hesus a bolbe topa cu e homber y a bise: Mira bo a bira bon, no peca mas, pa nada pio no sosode cu bo.

Otro prueba mas cu presencia di pica den nos bida por trece malesa, y hopi biaha tin hende no ta tene cuenta cu esey pasobra nan no ta

reconoce Dios den nan bida.

Tin hopi pica y desobediencia cu hende ta participa den dje, y cu ora nan cuminsa ripara cu locual cu nan ta practica no tin ningun tipo di beneficio, nan ta cuminsa sinti cu nan salud mental ta wordo afecta.

Pasobra di ningun manera, ningun hende no por cambia e naturalesa y principianan di Dios, un hende por purba transforma su curpa cuanto cu e kier, pero su mente, su curason, sanger y su spirito e no por transforma y eynan ta bini hopi dolor di cabes, ora hende nota cu e no por chansa cu Dios.

Nos tur ta haci pica, pesey nos mester arepentí y pone nos bida den man di Cristo Hesus.

Oracion di dia

Un feliz dia yena di hopi fe y speransa den nos bon Dios

“...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, Cristo Hesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cu Dios. Pero anos a sigui conta nos yiunan tocante di Dios manera nos grandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. “...pa nan tambe confia den SEÑOR, no lubida Dios su obranan grandi...” (Sal 78, 7)
Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.

